



Mikivisuk Thomassen
Inuit Ataqtigiit sinnerlugit Inatsisartunut ilaasortaq

§ 37 naapertorlugu apeqqutip nr. 208/2022-p akineqarnera.

Asasara Mikivisuk Thomassen

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Naalakkersuisut apeqqutinut tullinnguuttumi issuarneqartunut akissuteqartinneqartunullu qujapput.

17-11-2022
Suliap normua 2022-23296
All. nr. 21740581

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@nanoq.gl
www.naalakkersuisut.gl

1. Naalakkersuisut peqqinnissaqarfinni sisamap kingorna matusartuni massakkumut suliniuteqarpat aaqqiissuteqartornissaanut?

Naalakkersuisut peqqissaavinnut ualikkut sisamanut matusartunut tunngatillugu maannakkut aaqqiissuteqarniarlutik suliniuteqanngillat. Naalakkersuisoq Peqqinnissaq pillugu ataatsimiititaliarsuup suliaanut (UKA2019-98) naatsorsuutigisamik UPA2023-mi saqqummiunneqartussamut innersuussivoq. Ataatsimiititaliarsuaq peqqinnissaqarfimmi suleriaatsit ataatsimut pitsanngorsaaffiginissaannut innersuussutinik suliaqarpoq, pingaarnertigut sulisussarsiortarnernut, sulisut sulisorineqaannarnissaannut kiisalu Danmarkimi nunanilu allani suleqateqateqarnernut tunngasut. Innersuussutigineqartut peqqinnissaqarfimmi aaqqiissuusseqqinnissamut Inatsisartunut politikikkut tunngavilliissapput.

Tamatuma saniatigut § 37 tunngavigalugu apeqqummut nr. 319/2019-imut akissut innersuussutigineqarpoq, tassani allaqqavoq:

"Pingaaruteqarpoq erseqqissassallugu innuttaasut ulloq unnuarlu pinasuartumik napparsimalernikkut ajutoornikkulluunniit Peqqinnissaqarfimmut saaffiginninnissaminnut periarfissaqarmata. Peqqinnissakkut sullissineq tunngavigalugu innuttaasut tamarmik ammasarfiit qanoq ikkaluarpata aamma najukkami peqqinnissaqarfimmiippata nakorsamit ikiorserneqarsinnaanerat periarfissaavoq. Ikiorserneqarneq tamanna oqarasuaatikkut, telemedicinikkut imaluunniit najuunnikkut pisinnaavoq. Peqqissaavinni 16.00 matusartuni peqqissaanikkut illoqarfigisami ulloq unnuarlu upalungaarsimasoqartarpoq. Napparsimaviup nalilerpagu pinasuartumik paasisaqartoqassappat suliaritittoqassappalluunniit upalungaarsimasut napparsimaveqarfimmukartarput. Qaaqquneqarsinnaalluni sillimasut pitsaaqutigaat peqqinnissaqarfinni sulisut aalajangersimasut oqilisaanneqartarmata."


2. Naalakkersuisut peqqinnissaqarfinnut sisamap kingorna matusartuni illoqarfinnut allanut attaveqartarnerat pissusissamisoorpa?

Peqqinnissaqarfimmi sulisussarsiornerup tungaatigut annertuumik unammilligassaqartoq ilisimaneqarluarpoq. Aggersarneqarluni pigaartuuneq peqqinnissaqarfimmi sulisunut aalajangersimasunut oqilisaappata aammalu napparsimasut isumannaatsuunerannut ajornartorsiutaanngippat peqqinnissaqarfiup suliassaminnik isumaginninnerata ilaattut taamatut aaqqiissuteqarnera Naalackersuisut akueraat.

Pigaartussanut pilersaarusionermi kalaallisut oqaluttumik sulisoqartuaannarnissaa tunngaviusumik tamatigut sulissutigineqartarpoq.

Suliassaqarfimmi allani aamma taamatut aaqqiisoqartarpoq, assersuutigalugu Kalaallit Nunaanni Politiini.

Inussiarnersumik inuulluaqqusillunga
Med venlig hilsen



Mimi Karlsen